

Ti Thiⁿténg ê Khèngchiok

19 Jiânāu, góa thiaⁿkìⁿ tī thiⁿténg kahná ū chit tōatīn lāng tōa siaⁿ teh hoah kóng:

Halelu'iah!

Kiùun, êngkng kah koānlêng lóng siók tī lán ê SiōngChú!

2 I ê símphòanⁿ sī chinsit koh konggī ê,

inūi I bat símphòanⁿ hitê ēng îmlōan pāihoāi sèkan ê tōa îmhū,

koh hênghoat i lâu SiōngChú lôpók ê hoeh ê chōe.

3 In kohchài hoah kóng:

Halelu'iah!

Goān sio îmhū ê ian ittit chhèng koān, éngoán bô soah!

4 Hit jīchapsi ūi tiúⁿló kah sì chiah oahmih tòh phak lòhkhì kèngpài chē tī póchō ê SiōngChú, kóng:

Amen! Halelu'iah!

Iūⁿko ê Huniàn

5 Iáuaū, koh ū siaⁿ tùi póchō chhut lâi, kóng,

“Sōu SiōngChú ê pòkjīn kah kèngùi I ê lāng,

bôlūn tōa sè chun pi, lóng tiòh oló lán ê SiōngChú!”

6 Góa koh thiaⁿkìⁿ kahná sī chit tōatīn lāng ê siaⁿ, mā chhinchhiūⁿ chin chē tiâu kanghō ê siaⁿ, iū koh chhinchhiūⁿ lūi tōatān ê siaⁿ, kóng:

Halelu'iah!

Inūi lán ê Chú — choānlêng ê SiōngChú íkeng chò Ông ā!

7 Lán tiòh hoaⁿhí khoailók,

Ti 天頂 ê 慶祝

19 然後，我聽見 tī 天頂 kahná 有一大陣人大聲 teh hoah 講：

哈利路亞！

救恩、榮光 kah 權能 lóng 屬 tī 咱 ê 上主！

2 祂 ê 審判是真實 koh 公義 ê，

因為祂 bat 審判 hitê 用淫亂敗壞世間 ê 大淫婦，

koh 刑罰她流上主奴僕 ê 血 ê 罪。」

3 In koh 再 hoah 講：

哈利路亞！

願燒淫婦 ê 煙一直 chhèng koān，永遠無 soah！

4 Hit 二十四位長老 kah 四隻活物 tòh 仆落去敬拜坐 tī 寶座 ê 上主，講：

阿們！哈利路亞！

羊羔 ê 婚宴

5 了後，koh 有聲 tùi 寶座出來，講：

「所有上主 ê 僕人 kah 敬畏祂 ê 人，

無論大細尊卑，lóng tiòh oló 咱 ê 上主！」

6 我 koh 聽見 kahná 是一大陣人 ê 聲，mā 親像真 chē 條江河 ê 聲，又 koh 親像雷大 tân ê 聲，講：

哈利路亞！

因為咱 ê 主—全能 ê 上主已經做王 ā！

7 咱 tiòh 歡喜快樂，

koh tiòh kā êngkng kui hō̄ !!

Inūi lūⁿko ê hunkí íkeng kàu à,

I ê sinniū mā íkeng chúnpī hósè à.

8 SiōngChú íkeng hō̄ i chhēng pèh siaksiak koh kng iàⁿiàⁿ ê iù môapòr ichiūⁿ. (lù môapòr sī tāipiáu sìn^tô sǒ kiāⁿ ê konggī.)

9 Jiānāu, thiⁿsài tui góa kóng, “Lí tiòh kā che siá lóh lái: Siū iauchhiáⁿ lái hù lūⁿko huniàn ê láng, sltchāi ū hokkhì!”

I koh tui góa kóng, “Chiahê sī SiōngChú chinsit ê òe.”

10 Góa tòh phak tī thiⁿsài ê kha chēng, siūⁿ beh kèngpài i. M̄ koh, i tui góa kóng, “Chhianbān m̄ thang! Góa kah lí, íkip hiahê ūi lésu chò kiànchēng ê hiaⁿtī chímōe kàngkhoán, lóng sī chò pòkjin ê. Lí engkai tiòh kèngpài SiōngChú! Inūi īgiān ê chengsīn tòh sī chāi tī ūi lésu chò kiànchēng.”

Kitok Phahpāi Béngsiù

11 Liáuāu, góa koh khòⁿkìⁿ thiⁿ khi. Tī hia ū chit chiah pèh bé, khiā tī béténg ê hit ūi kiòchò “Tionsìn” kah “Chinsit”; I chiàu konggī lái símphòⁿ kah chengchiàn. 12 I ê bákchiu chhinchhiūⁿ hóeiam, thaukhak ū tì chin chē téng ôngkoan, sinchiūⁿ koh ū siá chitê miá, m̄ koh túliáu I púnsin ígōa, bô láng bat chitê miá. 13 I chhēng ê hit niá tngphàu bak kah choānsī hoeh. I ê miá kiòchò “SiōngChú ê tō”. 14 Thiⁿ téng ê kungpeng khiā pèh bé lái kintòe I, in lóng sin chhēng sūn pèh koh chhengkhì ê iù môapòr saⁿ. 15 I tui chhùi-nih thòchhut chit ki lāikiām, thang ēng lái chenghók liat kok. I beh ēng thihkoái tī in, mā beh thúntáh choānlēng SiōngChú tōa siūkhì ê chiúkhut. 16 Tī I ê tngphàu kah khathúi ū siá chitê miáhō, tòh sī “bān ông chi Ông, bān chú chi Chú”.

17 Góa koh khòⁿkìⁿ chitê thiⁿsài khiā tī jithâu tiong, tui khongtiong sǒu ê poechiáu tōasiaⁿ hoah kóng, “Lái! Chòhóe lái chhamka SiōngChú ê tōa

koh tiòh kā 榮光歸 hō̄ 衞 !

因為羊羔 ê 婚期已經到 à ,

衞 ê 新娘 mā 已經準備好勢 à 。

8 上主已經 hō̄ 她穿白 siaksiak koh 光 iàⁿiàⁿ ê 幼麻布衣裳。(幼麻布是代表信徒所行 ê 公義。)

9 然後, 天使對我講: 「你 tiòh kā 這寫落來: 受邀請來赴羊羔婚宴 ê 人, 實在有福氣! 」

伊 koh 對我講: 「Chiahê 是上主真實 ê 話。」

10 我 tòh 仆 tī 天使 ê 腳前, 想 beh 敬拜伊。M̄ koh, 伊對我講: 「千萬 m̄ thang! 我 kah 你, 以及 hiahê 為耶穌做見證 ê 兄弟姊妹仝款, lóng 是做僕人 ê。你應該 tiòh 敬拜上主! 因為預言 ê 精神 tòh 是在 tī 為耶穌做見證。」

基督 Phah 敗猛獸

11 了後, 我 koh 看見天開。Tī hia 有一隻白馬, 騎 tī 馬頂 ê hit 位叫做「忠信」kah 「真實」; 衞照公義來審判 kah 爭戰。12 衞 ê 目 chiu 親像火焰, 頭殼有戴真 chē 頂王冠, 身 chiūⁿ koh 有寫一个名, m̄ koh 除了衞本身以外, 無人 bat chitê 名。13 衞穿 ê hit 領長袍 bak kah 全是血。衞 ê 名叫做「上主 ê 道」。14 天頂 ê 軍兵騎白馬來跟 tòe 衞, in lóng 身穿純白 koh 清氣 ê 幼麻布衫。15 衞 tui 嘴裡吐出一支利劍, thang 用來征服列國。衞 beh 用鐵拐治理 in, mā beh thún 踏全能上主大受氣 ê 酒窟。16 Tī 衞 ê 長袍 kah 腳腿有寫一个名號, tòh 是「萬王之王, 萬主之主」。

17 我 koh 看見一个天使 khiā tī 日頭中, 對空中所有 ê 飛鳥大聲 hoah 講: 「來! 做伙來參加上主 ê 大宴席! 18 來食 chiahê 君王、將軍

iànsék! 18 Lâi chiáh chiahé kunông, chiongkun kah íongsū ê bah, bé kah khiâ bé ê lêng ê bah, sū chūiú ê lêng kah lôlê ê bah, íkip bôlūn tōa sè chun pi ê chènglâng ê bah.”

19 Góa koh khòaⁿkìⁿ hit chiahé béngsiù kah tēchiūⁿ ê kunông, íkip in ê kumpang lóng chūchip chòhóe, beh kah khiâ pèh bé Hit Ūi, íkip I ê kumpang kauchiàn. 20 Hit chiahé béngsiù kah íchêng tī i bīn chêng kiāⁿ sīnjiah ê ké tāigiânjīn chòhóe siū liáh. Chitê ké tāigiânjīn bat ēng sīnjiah lâi bêhék hiahê chiapsiū béngsiù ê kīhō kah pài béngsiù chōsiōng ê lêng. Hit chiahé béngsiù kah hitê ké tāigiânjīn tòh oáhoáh hông hiat lóhkhì ū liúhông teh sio ê hóeō. 21 Chhun lóh lâi ê kumpang lóng hō khiâ pèh bé Hit Ūi ê chhùi·nīh sō thòchhut lâi ê kiàm sathāi. Sōū ê poechiáu lóng lâi chiáh in ê bah, chiáh kàu pá.

kah 勇士 ê 肉，馬 kah 騎馬 ê 人 ê 肉，所有自由 ê 人 kah 奴隸 ê 肉，以及無論大細尊卑 ê 眾人 ê 肉。」

19 我 koh 看見 hit 隻猛獸 kah 地 chiūⁿ ê 君王，以及 in ê 軍兵 lóng 聚集做伙，beh kah 騎白馬 Hit 位，以及祂 ê 軍兵交戰。 20 Hit 隻猛獸 kah 以前 tī 牠面前行神跡 ê 假代言人做伙受掠。 Chitê 假代言人 bat 用神跡來迷惑 hiahê 接受猛獸 ê 記號 kah 拜猛獸造像 ê 人。 Hit 隻猛獸 kah hitê 假代言人 tòh 活活 hông hiat 落去有硫磺 teh 燒 ê 火湖。 21 Chhun 落來 ê 軍兵 lóng hō 騎白馬 Hit 位 ê 嘴裡所吐出來 ê 劍殺害。所有 ê 飛鳥 lóng 來食 in ê 肉，食到飽。